

द्वारा लिखित: Edward Hughes

द्वारा चित्रित: Janie Forest
Alastair Paterson

द्वारा अनुकूलित: Lyn Doerksen

द्वारा भाषांतर: रमेश वसावे

द्वारा निर्मित: Bible for Children
www.M1914.org

©2022 Bible for Children, Inc.


लाइसंस: तुमा इयाल नाहा वेची सेकता, जांव लुग तुमाहान इयो
काहानी कॉपीकेरा आन प्रिंट केरा अधिकार नाहा हाय.



ती स्त्री शोरगुल पहाडी वे
उबी आथी, तियो उदास
डाआ एक भयानक
घटनावेल वेअती आथी.
तियो पोयरो मोय रेहो
आथो. याहाकी मरियम
आथी, आन ती इयो
जागावे उबी आथी
जिहीं इशुल
हुलीखांबावे
चढवूलो.



इं बादो केहकी वेअर्योँ?
इशू ओता सुंदर जीवना
भयानक रितीकी केहकी
समाप्त की सेकी? परमेश्वर
तिया पोयराल तिहीं
मोरा खातोर
कृसावे खिला
ठोका केहकी
अनुमती दि सेकी?
काय इशुय गलती
केअर्यीं का तो केडो
आथो? काय परमेश्वर
असफल रे?



नाय, परमेश्वर असफल नाय
वेअयो. इशुय केअल्ली बी
गलती नाहा केअयी. इशू
हमेशा जांतलो का दुष्ट लोक
तियाल माय टाकी. जांहा
इशु हानो आथो तांहा
शिमोन नावाडाया माआहांय
मरियमाल आखलो का दुख
आगाडी हाय.



इशुल माआनु
काहीक दिहा पेअला,
एक स्त्रीई आवीन तिया
पागावे सुगंधित तेलाकी
पाग नुसला. "ती पोयसा
बरबाद किइ रिइ एहेकी
चेलाहांय इशुल शिकायत
केअयी. तियोय हारो
काम केअयो," एहेकी इशुय
आख्यो. "तियोय इं मान
दफनावाखातोर केअयों."
काय अजीब शब्द हाय!




इया नंतर, यहूदा इशू बारा
शिष्याहामेने एक, चांदी 30
शिकका खातोर इशुल प्रधान
याजकाहान धोको दां
खातोर तियार वेअयो.



यहुदी फसह सणाम, इशुय तिया
शिष्याहां आरी शेवटलो माडो खादो.
तियाय तियाहांन परमेश्वर आन तिया
प्रतिज्ञा बाबतीम जेतियावेप्रेम केअतला,
अद्भुत गोठया आखी देखाव्या. तांहा
इशुय तियाहान माडो आन रस वाटा
देदो. इं तियाहान इत केरा का इशू
शरीर आन रक्त पापाहा माफी
खातोर देदलो आथो.



तांहा इशुय तिया मित्राहान आख्योँ का तियाल तेराम आवी
आन तें नाही जाय. "आंय नाही नाय जांव," पतरसाय
जोरसे आख्योँ. "कुकडो वाहनुसे पेअला तूं तीन दा मान
नकार देहो," इशुय आख्यो.



नंतर इशू तियो राती
गतसमनी बगीसाम
प्रार्थना केरा गियो. जे
चेला तिया आरी आथा
ते हुवी गिया. "ओ मां
बाहका," इशुय एहेकी
प्रार्थना केअर्यीं, "इया
प्यालाल माआइहीने
हटवी. तेबी आंय आखुं
तेहकी नायता, जेहकी
तोअ मर्जी."




अचानक यहूदा आरी एक टोलो बगीसाम
उराय आलो. इशुय विरोद नाय केअयो, पेन
पतरसाय एका आदया कान वाडी टाक्यो.
इशुय गुपचूप तिया आदया कानाल आथ
लागव्यो आन तियाल हारो केअयो.
इशू जांतलो का तिया गिरफ्तारी
परमेश्वरा इच्छा हिस्सो हाय.



टोलो इशुल महायाजका कौंअ लिइ गियी, तिही यहुदी नेताहिय आख्यो का इशुल मोरा जोजे. पाहिज पतरस नौकरा आगी इहीं पाही उबो रिइन विइ रेह्लो आथो. तीन दां लोकांहाय इशुल वेअर्यो आन आख्यो, "तूं इशू आरी आथो!" तीनदा पतरसाय नकार देदो, जेहकी इशुय आख्लो आथो का तौं केअरी. पतरसाय बी शाप देदो आन शपथ खादी.




कुकडो-कुकडूकू



आन कुकडो आडायो. इ
पतरसा खातोर परमेश्वरा
एक वाणी आथी. इशू
शब्दाहान इत किइन
पतरस हुंका दिइन रोड्यो.





यहूदाल बी पसतावो वेअयो.
तो जांतलो का इशू केडा
पापा किंवा गुना दोषी नाय
आथों. यहूदाय चांदी 30
शिव्का वापस केअया पेन
याजकाहांय वापस
नाय लेदा.




यहूदाय पोयसां
नीचे फेकी देदा
आन बारे जायन
फासी लागवी
लेदी.




याजक इशुल रोमी राज्यपाल
पिलातुसा हुबुर ली आला. पिलाताय
आख्यो कां मायुंय इया माआहांम
केअलोबी दोष नाहा देख्यो.
"पेन टोलवाला लोक रडता
आथा," इयाल कृसावे
चढवा! इयाल
कृसावे चढवा!



शेवटी पिलाताय हार मानी लेदी
आन इशुल कृसावे मोरा सजा देदी.
शिपायांहाय तियाल मुका ठोक्या,
तिया मुयावे थुप्यो आनतियाल
कोडा ठोक्या, तियाहाय लांबा नुकीला
काटाहा एक क्रूर मुकुट बनाव्यो
आन तिया मुनकावे थव्यो. तांहा
तिया मोरा खातोर लाकडा कृसावे
खिलाहांकी ठोकी देदी.



इशू हमेशा जांतलो का एहेकी मॉअहीं. तो इंबी जांतलो का
तिया मृतू इया पापी लोकाहा माफी खातोर जे तियावे भरोसो
केअतला आथा. इशू बाजूंम बेन अपराध्यान कृसावे टांगला
आथा. एकाय इशुवे विश्वास केअयो
आन होरगाम गियो. बिहराय
नाय केअयो.



काहीक तासा पिडा बाद, इशुय
आख्यो, "पुरों वेअयों," आन
मोय गिर्यो. तिया काम
पुरो वि गिर्यो. तिया
मित्राहांय तियाल एक
खास कबरीम
दफनावी देदो.



तांहा रोमी सैनिकाहांय
कबरील शिक्क मारीन
तियो रखवाली केअर्यीं.
आमी केडो बारेकिंवा
माजमे नाय जाय
सेकतलो.



जर इ कहाणी अंत
वेअतो ता इं कोती
दुखद रेती. पेन
परमेश्वराय काय
अद्भुत केअयो. इशू
नाय मौंअयो.



आठवड्या पेअले दिही
हाकालीवेल इशू काही
चेलाहांय कबरीवेने दगड
हरकुलो देख्यो. जांहा
तियाहांय माजमे जायन
वेअर्यो तांहा तिहीं
इशू नाय आथो.



एक महिला कबरी इंहीं रडती
आथीं. इशू तियोल देखायो! ती
बाकी चेलाहांन आखां खातोर
खुशी की वापस दौडी. "इशू
जीवतो हाय! इशू मोअलामेने
वापस आललो हाय!"



इशू लगेज चेलांइंहीं आलो आन तियाहान खिलाहाकी ठोकला आथ देखाव्या. इं खेरो आथों. इशू वापस जीवतो आथो. तियाय पतरसाल तिया नकार केअनुल माफ केअयो, आन तिया शिष्याहान आख्यो का तिया बाबतीम बादहान आखा. फाची वापस होरगाम गियो जिहींने तोअ आललो आथों.



पेअलो इस्टर

परमेश्वरा वचन बायबला एक कहानी

इयाम मिलेह

मत्ती 26-28, लुक 22-24,
योहान 13-21

"तुमा शब्दाहा प्रवेश उजवाडो देहे."

भजन 119:130



सेवट



बायबला कहानी आमाहान अद्भुत परमेश्वरा
बाबतींम आखेह जियाय आमाहान बनाव्या आंन
तिया इच्छा हाय का आपु तियाल जांआजी (ओअखुजी).

परमेश्वराल मालूम हाय का आमाहांय खाराब कामे केअरेंह,
जियाहान तोंअ पाप आखेह. पापा सजा मौत हाय, तेबी परमेश्वर
आपुहुंवे ओतो प्रेम केहे का तियाय तिया एकूलतो पोयरो, इशूल
कृसावे मोरा आन तुमाहां पापाहां सजा खातोर मोकल्यो. फाची
इशू जीवतो वेअयो आन होरगाम तिया कोअ गियो!

जर आपु मानता वेअरी इं खेरो हाय, ता परमेश्वराल एहेकी आखा:
प्रिय यीशू, मां विश्वास हायका तूं परमेश्वर हाय, आन मां पापाहा
खातोर मरा खातोर एक आदमी बनी गियो, आन आमी फाचो जीवतो
बनी गियो. कृपा किइन मांआ जीवनाम आव आन मांआ पापाहान
माफ केंअ, का आंय आमी नवो जीवन मिलवू, आन एक दिही कायम
तोअ आरी रिई सेकुं. मान तोअ आज्दन्या माना खातोर मदत
केअ आन तोअ पोयरा होच तोअ खातोर जीवूं. आमेन.

बायबल वाचा आन रोज परमेश्वरा आरी गोठया केरा. योहान 3:16

